




Akcija SIPA u borbi protiv terorizma

Kenan Kršo uhapšen po povratku iz Sirije!



PROBLEMATIČNA LIČNOST Kenan Kršo

SARAJEVO - Pripadnici Agencije za istrage i zaštitu BiH (SIPA) uhapsili su juče u Sarajevu Kenana Kršu (39) iz tog grada koji se doводи u vezu sa terorizmom!

Prema informacijama iz Tužilaštva BiH, Kršo je duže vrijeme pod istragom zbog više aktivnosti koje se mogu dovesti u vezu s Islamskom državom i terorizmom, ali nisu željeli da otkrivaju druge detalje o tome.

Kršo je, kako navode u tužilaštvu, u proteklom periodu koristeći znakove i obilježja IDIL-a, koji je Savjet bezbjednosti proglasio terorističkom organizacijom, u više navrata izazivao incidente i ugrožavao bezbjednost građana na području Sarajeva.

- Tužilaštvo BiH i policijske i bezbjednosne agencije došle su do saznanja da je ovaj osumnjičeni kraći period boravio na području Sirije, i da ostvaruje kontakte sa pripadnicima vehabijskog pokreta iz BiH, koji se kao pripadnici IDIL-a i paravojnih formacija bore na ratištima u Siriji i Iraku, što je državljanima BiH zakonom zabranjeno - navode u Tužilaštvu BiH.

Dodaju da su pripadnici SIPA nakon hapšenja Krše

pretresli objekte i vozila koje koristi, ali nisu naveli šta je u njima tačno nađeno. Istakli su da tužilaštvo nastavlja intenzivne aktivnosti u borbi protiv terorizma i krivičnih djela koja imaju veze sa terorizmom. U tužilaštvu još dodaju da su zbog povećanog broja predmeta, koji se odnose na terorizam, zatražili od institucija vlasti u BiH jačanje kapaciteta za borbu protiv ove vrste krivičnih djela.

Uhapšeni Kršo prvi put je u žižu javnosti dospio krajem januara ove godine kada je za vrijeme džuma-namaza u džamiji na Staroj Brezi u Sarajevu verbalno napao imama Muhameda Velića. Kršo je tada sa još dvojicom muškaraca upao u džamiju noseći na sebi majice sa zastavom IDIL-a, što je uznemirilo imama i vjernike. Potom je, tokom molitve u džamiji, prekinuo Velića uzvikujući: "Lažeš!", želeći na taj način izazvati sukob sa vjernicima i imamom. Kršo je nekoliko dana kasnije ponovo privukao pažnju javnosti kada se pojavio na Baščaršiji u majici s obilježjima IDIL-a. Prema nezvaničnim informacijama, Kršo je inače liječeni narkoman i ima podugačak kriminalni dosije u policiji. **Sn. K.**